

विष्णु चित्रकान

नद्यालनामा गह्वे वनग

नद्यालनामा गह्वे वनग

(तायलचया ह्)

रवि शाक्य, इखाछैँ, यल

नेपालभासा गथे ब्वनेगु नेपालभासा गथे च्वयेगु

विष्णु चित्रकार

पिथना

नेवाः शिक्षा गुथि

ने.सं.११३७

सफू : नेपालभासा गथे च्वयेगु, नेपालभासा गथे ब्वनेगु
च्वमि : विष्णु चित्रकार
Email : bishnuchitrakar@hotmail.com
मोबाइल : ९८४११६९१३०
खँचु : भाय्लचं
हामा : च्वमि
न्हापांगु पिथना : ने.सं.११३७ गुंला
(२०१७ अगस्त)
पिथना : नेवा: शिक्षा गुथि
email : newaasikshyaguthi@gmail.com
कम्प्यूतर : रिदेन महर्जन
समा: : विपिन कपाली (९८४१८१९२५०)
थाकू : हिसि अफसेत प्रिन्टिड प्रेस
मू : ५०/-
ISBN : 978-9937-0-2994-0

देखा

नेवाः जुयाः नं नेपालभासा ब्वने च्वये मसः धाइपिं

व

नेपालभासा ब्वने, च्वये सयेके मंदुपिं सकसितं ।

- च्वमि

श्व च्वसुया खँय् छुं

नेपालभासा ब्वनेमसः, च्वयेमसः धाइपिं थौकन्हय् आपालं दु । धार्थे ला नेपालभासाया च्वमि जुयाः थौथी च्वसु च्वइपिसं नं थः मंखंथे, थः यथे च्वयेगु यानावयाच्वंगु खनेदु । थुकिं यानाः नेपालभासा च्वज्याय् छगू पहः वने मफुगु जक मखु ब्वमिपिंत नं च्वमिया खँ थुइकेत तकं थाक्या च्वंगु दु । अलय् थ्व ज्यां भाय् ब्वलने माःथाय् भाय्या पहः हे स्यनिइगु ग्याःसु नं ब्वलना च्वंगु दु । थ्व हे खँयात ध्यानय् तयाः भासय् दुवालेगु ज्या नं यक्वसिनं याना वयाच्वंगु दु ।

थ्व च्वसुइ नेपालभासाया पहःयात न्ह्यब्वयेगु कुतः जूगु दु । थुकिइ सहलह ब्याकाः नेपालभासाया च्वपुइ छगू पहः हयेत व नेपालभासाया च्वज्या च्वन्ह्याकेत ग्वाहालि जुइ फइगु मनं तुना ।

थौं स्वयाः ज्यय्दँ (५० दँ) ज्यः महाकवि सिद्धिदास महाजुया सछि दँ (१०० दँ) बुन्हिया ज्याभवलय् 'नेपालभासाया भाय्लचं' या खँय् नं भासाथूमिपिं व भाय्लचर्मिपिनि दथुइ तःजिक सहलह ज्याभवः जूगु खः ।

वयां लिपा थौतक मेगु चिचीधंगु मुँज्या जूसां तःजिगु ज्याभवः जूगु खने मदुनि । भाय्थूमिपिसं धाःसा भासाय् दुवालेगु, मालेकुले यायेगु ज्या मदिक न्ह्याकाः भाय् ब्वलंकेगु ज्या जुया वयाच्वंगु दु । थुकिं यानाः नेपालभासा च्वज्या थजाना वःगु दु । थ्व ज्या तालय् हंकेत भाय्लचंया खँय् सहलह नं इलय् ब्यलय् जुयाच्वने माःगु खः । थ्व हे मगाःमचाःयात स्वयाः थ्व च्वसु 'नेपालभासा गथे ब्वनेगु, नेपालभासा गथे च्वयेगु' न्ह्यब्वयाच्वना । थुकिं नेपालभासाया ब्वमि च्वमिपिंत छुं ग्वाहालि जूसा जिगु कुतःयात तालय् हंगु तायेके । सुभाय् !

घलः

ध्व च्वसुया खँय् छुं

नेपालभासा गथे ब्वनेगु

न्त्यखँ	१
नेपालभासा व खस नेपालिभासाया पाःगु न्वसः	४
नेपालभासाया पहः-	४
१६.९ मिलाफुति (°)	११
१६.१० सिन्हःफुति (')	१२

नेपालभासा गथे च्वयेगु

१. नेपालभासा व ध्वया पहः	१४
२. नेपालभासाया मान्वसः व माआखः	१५
३. चिनामान्वसः व चिनामाआखः	१६
(Diphthongs and Vowel clusters)	
३.२ निथीकथंया चिनामान्वसः	१७
३.३ न्हासंध्वःगु चिनामान्वसः	१७
४. नेपालभासाय् बान्वसः व बाआखः	१९
५. बान्वसलय् मान्वसः ज्यायेगु	२२
६. बान्वसलय् न्हासंध्वःसः ज्यायेगु	२४
७. नेपालभासाय 'ए' 'य्' 'व' ये या छयलाबुला	२७
८. नेपालभासा च्वज्याय् 'ये' व 'यो' या छयला	२८
९. नेपालभासाय् 'बागः आखः' या छयला	२९
१०. ताहाःन्वसःचिं छयलेगु	३३
११. लिखँ	३४

नेपालभासा गथे ब्वनेगु

न्यखँ

थौकन्हय् ब्वनातःपिं सःस्यूपिं नेवाःतय्सं नं नेपालभासा ब्वनेमसः धाःगु ज्यने (न्यने) दु । नेपालभासा बांलाक न्ववाये सयां नं इमिसं नेपालभासा ब्वने मसःगु गथे ? देवनागरि लिपिं च्वयातःगु बा थानातःगु खस नेपालि, हिन्दि व गुलिसियां ला संस्कृत भाय्या च्वसु बांलाक ब्वने सयां नं देवनागरि लिपिं हे च्वयातःगु बा थानातःगु नेपालभासाया च्वज्या ब्वनेमसः धाःगु छाय् ले ? गुलिसिनं धाइ नेपालभासाय् चिनातःगु आखः यक्व दुगुलिं ब्वने थाकु । गुलिसिनं धाइ नेपालभासाया साहित्य खँग्वः मथूगुलिं ब्वने थाकु ।

धार्थे ला नेपालभासा च्वज्याय् स्वयाः अप्वः कथं कथंया थीथी चिना आखः खस नेपालि व मेमेगु भासय् छ्यला वयाच्चंगु दु । गथे, 'र' चिनातःगु खँग्वः— क्रस, ग्रह, त्रास, बिद्रोह ... 'ल' चिनातःगु खँग्वः क्लास, ग्लास, प्लास्तिक, फ्लास, ब्लास 'ऋ' चिनातःगु खँग्वः— कृष्ण, गृह, घृणा, तृष्णा, पृष्ठ व मेमेगु चिना आखः दुगु खँग्वः— पद्म, छद्म, बुद्ध, बृद्ध, गृह, ऋद्धि, सिद्धि, श्रृजना, भृगु । थज्याःगु चिना आखः नेपालभासाय् छ्यलेम्वाः । अथे हे नेपालभासाय् 'त' न्वसुतगिं व 'ट' न्वसुतसगिंया बिसकं बिसकं न्वसः मदुगु व मे चाःतुइकाः न्वसः पिथनेमाःगु थीथी आखः 'ट, ठ, ड, ढ, ण, ष' छ्यलेम्वाः । उकिया थासय् 'त, थ, द, ध, न' जक छ्यलेव चाः । थुकथं हे 'श, ष, स' या बिसकं बिसकं न्वसः मदुगुलिं 'स' आखः छंगः जक छ्यःसां गाः । अलय् 'क्ष, त्र, ज्ञ' यात नं नेपालभासाय् छ्यलेम्वाः ।

वरु, नेपालभासाय् देवनागरि लिपिया बाआखःया धलकय् दुमथ्याःगु खुगः बाआखः नेपालभासाया न्वसुयात मदयेक मगाःगुलिं 'ह' चिनाः न्हूगु बाआखः ज्यानाः 'इह, ज्ह, न्ह, म्ह, च्ह, ल्ह' यात न्हूगु बाआखः (व्यञ्जनवर्ण) कथं दुथ्याकातःगु दु । थ्वया न्वसः म्हसिइकेत रोमन आखलय् ख, ध, छ, भ, थ, ध' मदुगुलिं 'h' चिनाः 'ka' क, 'kha' ख, 'ga' ग, 'gha' घ, 'ta' त, 'tha' थ, 'da' द, 'dha' ध न्वसः ज्याःथें 'nga' ङ, 'ngha' इह, 'nja' ञ, 'njha' ज्ह, 'na' न, 'nha' न्ह, 'ma' म, 'mha' म्ह, 'ra' र, 'rha' र्ह, 'la' ल, 'lha' ल्ह याताः न्वसः ज्याये ज्यू । खस नेपालि भासय् थमित 'ह' चिनातःगु चिना आखः कथं जक काःसां नेपालभासाय् धाःसा बिसकंया बाआखः कथं हे नालाः दुथ्याकातःगु दु । थुकथं हे नेपालभासाय् 'य' व 'व' यात माआखः (स्वरवर्ण) नालाः फुकं बाआखःनाप मान्वसः ज्यायेगु यातातःगु जुल । थज्वःगु चिना आखः खस-नेपालि भासाय् नं यक्वं छ्यलेगु याः । गथे- विद्या, ध्यान, विद्वान, प्वाल, ...

अंग्रेजी व मेमेगु थीथी भाय्या थाकु थाकुगु न्वसु तकं पाय्छि कथं न्ववायेत व ब्वनेत थाकु मचाःपिं नेवाःतय्त थःगु हे भाय्या खँग्वः ब्वने थाकुइ माःगु व ब्वने मसये माःगु छुं मदु ।

अथेसा 'नेपालभासा' ब्वने मंमदयाः जकं ब्वनेमसः धाःगु खःला धइगु न्ह्यसः दनिइ । धाथें ला अथे जक नं मखु । नेपालभासा ब्वनेगु थःगु हे पहः दु । उगु पहः खस नेपालि भाय् ब्वनेगु पहः स्वयाः भचा पाः । उकिं नेपालभासा ब्वने मसः धाःगु छाय्ले थ्व खँयात दुवालाः थ्व समस्यायात बांलाक ज्यकं माःगु खने दु ।

न्हापां नेपालभासाया ब्वने थाकुगु बा ब्वने मसःगुया हुनि छु ले धयागु खँय् छकः दुवालेगु कृतः याये ।

१. ब्वनेकुथिइ मस्तय्त थःगु मांभाय् नेपालभासा ब्वने मखन बा ब्वनेगु त्वःताः चूमलात ।

२. थःथःगु छेंय् नं मांअबु, हामापिसं थःमस्तय्त थःगु मांभाय् नेपालभासा ब्वकेगु बा ब्वनेगु लकस बा त्वःताः चूलाका मबिल ।

३. ब्वनेकुथिइ थःगु मांभाय् ब्वने म्वाःलेव थःमस्त खयभाय् मसयाः ब्वनेगुलिइ ल्यूने लाइ धकाः थः मस्तनाप थःगु भासं खँ मल्हासे खय् भासं जक खँ ल्हायेगु याता हल । थुकथं मस्त थःगु मांभाय् मसःपिं जुया वल ।

४. छेँ पिने ज्याकुथि, प्रसासन व मेमेथाय् नं थःगु मांभाय् छ्यलेगु लकस म्त्व जुया वयेव नेवाःतय् छेँय् छेँय् खय् भाय् ल्हायेगु याना हल । थः मस्तय्त नेपालभासा मस्यनेगु जुयावल ।

५. स्वनिगलं पिने वनाः च्वंने माःपिं नेवाःतय्सं थःगु सामाजिक ब्यवहारय् थःगु मांभाय् छ्यले म्वाःला वल । अलय् थःगु छेँय् छेँय् नं थःगु भाय् ल्हायेगु म्त्व जुयावल । थुकथं नेवाःत थःगु भाय् मसःपिं जुयावल ।

६. थुकथं नेवाःतय्के थःगु मांभाय्या माया बुलुहुं तनावन ।

गुगुं नं भाय् धयागु निन्हु प्यन्हुया कुतलं ब्वलनिइगु मखु । भाय् धयागु गुगुं समाज ब्वलनिइगु व वया लहना च्वजाइगु छगू तःधंगु ज्याभः बा तःजिगु लिधंसा खः । थुकिं यानाः नेवाःतय्गु तजिलजि नं न्हियान्हिथं स्यना वन । थुकथं थौं नेवाःतय्गु म्हसिइका व अस्तित्व हे संकतय् लाःगु खनेदत ।

थ्वया नापं आपालं नेपाःमित तापलय् वनाः ज्या याःवनेगु बा आखः ब्वं वनेगु अप्वया वःगु भवलय् नेवाःत नं आपालंया ल्याखय् तापालय् वनेगु ज्या न्त्याःगु खनेदत । अन इमिसं हलिमय् अनया मनूतसें थःगु भाय्, थःगु तजिलज, थःगु देय्या माया याइगु व थःगु म्हसिइका व अस्तित्वया वाःचाः तयाच्चंगु व उकिया लागी ल्वानाच्चंगु नं खंकल । थ्वया लिच्चःकथं तापालय् वपिं नेवाःतय्सं थःगु मांभाय्या मू वाःचायेकूगु खनेदत ।

थज्वःगु लकसय् नेपाःया थीथी जातिया जनतां थःथःगु म्हसिइका व इमिगु तजिलजि ल्यंका तयेत ब्यवहारय् थःगु मांभासं सिक्षाया हक, सूचनाया हक व न्यायेया हक दयेमाःगु अलय् प्रसासन व फुकं ख्यलय् समावेसि जुइमाःगु खँय् सः थ्वयेका हल ।

देसय् दुने नं थीथी जनआन्दोलन जुयाः पुलांगु निरंकुस तन्त्र व राजतन्त्र क्वःदल । देसय् लोकतन्त्र वल । गनतन्त्र वल । न्हूगु संविधान वल । देसय् संघियताया जग स्वन । जनतायात थःथःगु मांभाय् छ्यले दइगु छुं अधिकार दइगु जुल ।

थ्व हे हुनिं थःगु मांभाय् मसःपिं नेवाःतय्सं नं थःगु मांभाय् सयेके माःगु च्यूताः तःगु खनेदत । थ्व हे खँयात ध्यानय् तयाः इमित नेपालभासा ब्वने थाकु तायेकूगु छाया धयागु खँय् छकः दुवालेगु कुतः याये ।

नेपालभासा व खस नेपालिभासाया पाःगु न्वसः -

दकलय् न्हापां नेपालभासा न्ववाये सःपिं जुइव्यु वा मसःपिं जुइव्यु इमिसं नेपालभासा ब्वनेगु कुतः याइबलय् खस नेपालि भाय् ब्वनेगु पहलं ब्वनेगु कुतः याःगु खनेदु । नेपालभासा व खस नेपालि भासा च्वइगु आखः बा लिपि थौंकन्हय् छगू हे देवनागरि लिपि जुया च्वंगु दु । थ्व देवनागरि लिपि व नेपालभासा न्हापा च्वइगु बा च्वयावःगु आखः नेपाल लिपिया लिधंसा नं छगू हे धम्मलिपि (ब्राम्हि) जूगुलिं नं आपाः पाःगु खनेमदु ।

अथे खयां नं नेपालभासा व खस नेपालिभासाया न्वसः व उकिया ब्वनेगु पहः पानाच्वंगु जुल । उकिं नेपालभासा ब्वनेबलय् खस नेपालिभाय्या पहलं ब्वनेगु कुतः याइगु जूगुलिं खँवः खँभाय् मथुयाः ब्वने थाकुइगु खः । अथे जूगुलिं थन नेपालभासाया न्वसः वा छुं खँ व नेपालभासा नाप खस नेपालिया न्ववायेगु, ब्वनेगु पहलय् पाःगु छुं छुं खँ न्त्यथनेगु कुतः जुइ ।

नेपालभासाया पहः-

१. नेपालभासा खःकथं न्ववायेगु, न्ववानाकथं च्वयेगु व च्वःकथं ब्वनेगु भाय् खः । थथे धायेबलय्, नेपालभासा ययःपिनि ययःथे न्ववायेगु व यःपिनि यःथे च्वयेगु भाय् मखु । अथे धयागु नेपालभासा भाय्या न्वसु पहः कथं च्वये ब्वने ज्यूगु भाय् खः ।
२. नेपालभासा च्वये ब्वनेत छ्यलिइगु आखः, थीथी आखलय् छगः आखःया न्वसः न्त्याबले छगू हे जक जुइ । छगू हे आखःया न्वसः थीथी थासय् थीथी कथं जुइ मखु । अथे हे छगू हे न्वसः जुइगु तःगः आखः नं दइ मखु ।
३. नेपालभासाया मूखँवः फुकं चीहाः न्वसःयागु जुयाच्वंगु दु । ईया हिलासु व थ्वया छसःज्यना पहःया हुनिं थुकिइ ताहाःन्वसः ब्वलंगु दु ।
४. नेपालभासाया फुकं न्वसलय् न्हासंथ्वःसः नं दयाच्वंगु दु । थ्व न्हासंथ्वःसलय् नं चीहाः न्वसः व ताहाःन्वसः दुगु जुल । न्हासं थ्वइगु चीहाः न्वसः क्यनेत मिलाफुति (°) छ्यलिइ, न्हासं थ्वइगु ताहाःन्वसः क्यनेत सिन्हंफुति (´) छ्यलिइ । नेपालभासाय् सिन्हःफुति (´) या न्वसः खस नेपालि भासय् स्वयाः पाः । खस नेपालिभासय् थ्वया न्वसः 'अम्', 'अन्' अड थें

जुइ सा नेपालभासाय् 'अम्', 'अन्' अड मजुसे 'अँ', 'आँ: ईँ, उँ, एँ: ...'
कथं जुइ ।

५. नेपालभासाय् मूमान्वसः ज्यागू (५) दु । थपिं, 'अ, आ, इ, उ, ए' खः । थपिं
फुकं मूमान्वसःया प्यथी प्यथी न्वसः दयाच्चंगु दु । इपिं थुकथं जुल,-

घलः १ मूमान्वसः / मूमाआखः

	१	२	३	४	५
१. न्हासं मथ्वइगु चीहाःन्वसः	अ	आ	इ	उ	ए
२. न्हासं मथ्वइगु ताहाःन्वसः	अः	आः	ई	ऊ	एय्
३. न्हासं थ्वइगु चीहाःन्वसः	अँ	आँ	ईँ	उँ	एँ
४. न्हासं थ्वइगु ताहाःन्वसः	अं	आं	इं	उं	एं/एँय्

६. नेपालभासा बा नेवाः न्वसलय् म्हुतु ग्वःलाकाः ताहाःन्वसः पिथनेमाःगु
'ओ' मान्वसः मदु । थ्व 'ओ' मान्वसःया थासय् 'व' न्वसः छ्यलाबुलाय्
दु । नेपालभासाय् 'ओ' न्वसः नाप 'अ' न्वसः व 'आ' न्वसः जानाः 'व' व
'वा' न्वसः ज्यानाच्चंगु जुल । गथे, ओ + अ = व, ओ + आ = वा
नेपालभासाय् 'ओ' या छ्यलाबुला मेगु भासं वःगु दुतिना खँग्वलय् जक
जुइ । गथे, ओभरकोत, ओभरलक, ओजन ...

नेपालभासाया यक्व च्वमिपिसं 'व' व 'वः' या थासय् 'ओ' च्वयेगु
यानावयाच्चंगु खनेदु ।

७. नेपालभासाय् थुकथं हे छसः थ्वइगु (Monophthong Vowel) चिनामान्वसः
(५) ज्यागू दुगु जुल । थपिं, 'य, या, यु, व, वा' खः । गथे, ए+अ=य,
ए+आ=या, इ+उ=यु, ओ+अ=व, ओ+आ=वा

धल: २ छस: थ्वइगु चिनामान्वस:

१. न्हासं मथ्वइगु चीहा:न्वस:	य	या	यु	व	वा
२. न्हासं मथ्वइगु ताहा:न्वस:	य:	या:	यू	व:	वा:
३. न्हासं थ्वइगु चीहा:न्वस:	यँ	याँ	युँ	वँ	वाँ
४. न्हासं थ्वइगु ताहा:न्वस:	यं	यां	युं	वं	वां

८. थुकथं हे मेमेगु निगू निगू मान्वस: चिना: निस:थ्वइगु मान्वस: (Diphthong vowel) ज्यानाच्चंगु दु । थपिं चिना मान्वस: न्ह्याबलें ताहा:न्वस:यागु जुइ । गथे,

धल: ३ निस:थ्वइगु चिनामान्वस:

	इ	उ	ए
१. अ	अइ/ऐ	अउ/औ	(अए) अय्
२. आ	आइ	आउ	(आए) आय्
३. इ	इइ/ई	इउ/यु	(इए) इइ
४. उ	उइ	उउ/ऊ	(उए) उइ
५. ए	—	—	(एए) एय्

९. थपिं चिनामान्वस: नं न्हासं थ्वयेफुगु जुल । थपिं न्हासं थ्वइबलय् उगु न्हासंथ्व:स: न्ह्याबलें ताहा:न्वस:यागु जुइ । उगु न्हासंथ्व:स:या चिं, मिलाफुति न्ह्याबलें न्ह्य:नेया न्वसलय् च्वनिइ । गथे,

धल: ४ न्हासंथ्वइगु व निस:थ्वइगु चिनामान्वस:

	इ	उ	ए
१. अँ	अँइ/ँँ	अँउ/ँँ	(अँए) अँय्
२. आँ	आँइ	आँउ	(आँए) आँय्
३. ईँ	ईँइ/ईँ	ईँउ/युँ	(इँए) इइ
४. उँ	उँइ	उँउ/उँ	(उँए) उँइ
५. एँ	—	—	(एँए) एँय्

१०. थपिं छसः थ्वइगु मान्वसः 'य, या, व, वा' मेगु थीथी मान्वसः नाप जानाः न्हूगु निसः थ्वइगु चिनामान्वसः नं ज्यनेफु । थपिं चिनामान्वसलय् न्हासं थ्वइगु चिनामान्वसः नं ज्यने फइगु जुल ।

धलः ५ बिसकयां चिनामान्वसः

		अ	इ	उ	ए
१.	य	यः	यइ	यउ	यए = यय्
२.	या	याः	याइ	याउ	याए = याय्
३.	व	वः	वइ	वउ	वए = वय्
४.	वा	वाः	वाइ	वाउ	वाए = वाय्

धलः ६ बिसकयां न्हासंथ्वइगु चिनामान्वसः

		१ अ	२ इ	४ उ	५ ए
१.	यँ	यं	यँइ	यँउ	यँए = यँय्
२.	याँ	यां	याँइ	याँउ	याँए = याँय्
३.	वँ	वं	वँइ	वँउ	वँए = वँय्
४.	वाँ	वां	वाँइ	वाँउ	वाँए = वाँय्

नेपालभासाया यक्व च्वमिपिसं थ्व न्हासंथ्वसः चिं ल्यूनेया मान्वसलय् तयेगु याना वयाच्चंगु खनेदु । थथे यायेबलय् नेपालभासाया पहःकथं खँग्वः छसः ज्यने फइमखु । थ्व खस-नेपालि भाय्या किचः (प्रभाव) लाःगु खः ।

११. नेपालभासाय् न्हासंमथ्वइगु वा न्हासंथ्वइगु न्वसःया चीहाःन्वसः बा ताहाःन्वसः फुकया बिसकं बिसकं खँभाय् (अर्थ) दइगु जूगुलिं थ्वयात पाःसु दुगु (Contrastive) भाय् धाइ । उकिं नेपालभासा च्वये ब्वनेबलय् थ्व खँय् बांलाक वाःचाः तयेमाः । नेपालभासा न्ववाःथे च्वइगु व च्वयातःथे ब्वनेगु भाय् जूगुलिं ताहाःन्वसु (दीर्घ) च्वःथाय् ताहाकयेक व चीहाःन्वसु (ऋस्व) च्वःथाय् चीहाकयेक न्ववायेमाः । चीहाःन्वसःयात ताहाःन्वसः यानाः न्ववायेगु व ताहाः न्वसःचिं दुगु खँग्वःयात चीहाःन्वसः यानाः ब्वनेगु याये मज्यू ।

खस नेपालि भासय् ताहान्वसः च्याः नं थ्यात ब्वनेबलय् चीहाः न्वसः यानाः ब्वनेगु यानाच्चंगु दु । गथे, च्वयेबलय् 'तिमी, हामी' च्वःसां ब्वनेबलय् व न्ववायेबलय् 'तिमि, हामि' कथं ब्वनेगु, न्ववायेगु यानाच्चंगु दु ।

१२. नेपालभासाया खँग्वःया लिन्वसः मान्वसः जूसा उगु मान्वसःया न्त्यःनेया न्वसःनाप जानाः छसः ब्यनिइ । गथे वइ - वै, वनिइ - वनी, भउ - भौ, पउ - पौ ...

१३. नेपालभासाया खँग्वःया लिन्वसः बान्वसः जूसा उगु बान्वसः पूवंक न्ववायेमाः । गथे, सल, मत, वल, वन ... ।

१४. नेपालभासाया खँग्वलय् ल्यूने वइगु बान्वसः दुसुलाः थीथी मान्वसलय् हिलिइगु छगू पहः दु । उगु पहःकथं मान्वसलय् हिलेव उगु हिलाः वःगु मान्वसः वया न्त्यन्वसः नाप जानाः छसलय् ज्यनिइ । उगु छसःज्यंगु न्वसः न्त्याबले ताहान्वसःयागु जुइ ।

खँभाय् ज्यायेबलय् 'सुनां, गनं, छुकिं, गन' या खँभाय् छ्यलेबलय् दुसूगु बान्वसः हानं पिदनिइ । थथे पिदंगु बान्वसःयात पूवंक न्ववायेगु यायेमाः । गथे,

घलः ७ खँग्वःया हिलासुइ दुसूगु आखः पिदने फु

भयाल - भयाअ - भयाः - भयालं / यालय्
लख - लअ - लः - लखं / लखय्
मनुख - मनुअ - मनू - मनुखं / मनुखय्
पँथ - पँअ - पं - पँथं / पँथय्
जव - जअ - जः - जवं / जवय्
खत - खअ - खः - खतं / खतय्

१५. हलिमय् फुकं भासय् न्ववायेगु पहः थःथःकथंया बिसकं बिसकं दइ । उकिं देवनागरि लिपिइ बा नेपाल लिपिइ नेपालभासा ब्वनेबलय् थःगु हे पहःकथं ब्वनेमाः । नेपालभासा ब्वनेबलय् छुं नं न्वसः बा आखःयात कथु दुनेनिसें न्वसः पिथने म्वाः । मे चाःतुइकाः न्वसः पिकाये नं म्वाः । थःत याँउक म्हुतुं जक न्वसः पिथंसा गाः ।

१६. नेपालभासा ब्वनेगु पहः व खस-नेपालिभासा ब्वनेगु पहः पाः । ब्वनेकुथि बा गनं नेपालभासा ब्वनेगु त्वःताः चूमलाःगु व खस नेपालि भाय् जक ब्वना वःपिसं नेपालभासा ब्वनेबल्य् खस नेपालिभाय्या पहलं ब्वनेगु याये यः । अथे जूगुलिं नेपालभासा न्ववाये सःसां ब्वने थाकुइगु छगू मू हुनिं खः । उकिं नेपालभासा व खस नेपालि भाय्या पहः पाःगु मूमू खँ क्वय् न्ह्यथनेगु ज्या जूगु दु ।

१६.१ नेपालभासाय् मूमान्वसः (स्वरवर्ण) ज्यागः दुगु जुल । थपिं 'अ, आ, इ, उ, ए' खः । थपिं फुकं चीहाःन्वसः (ऋस्व) यागु जुल । थमिगु ताहाःन्वसः (दीर्घ) 'अः, आः, ई, ऊ, एय्' जुल । खस नेपालिभासय् 'अ, इ, उ' स्वंगू न्वसः जक चीहाःन्वसः खः । मेगु 'आ, ए, ओ' ताहाःन्वसःयागु जुल । थमि चीहाःन्वसः बिसकं मदु ।

१६.२ नेपालभासाय् छसःज्यना मान्वसः ज्यागू दुगु जुल । थपिं 'य, या, यु, व, वा' खः । थपिं फुकं चीहाःन्वसः (ऋस्व) जुल । थमि ताहाःन्वसः (दीर्घ) 'यः, याः, यू, वः, वाः' खः । खस नेपालि भासय् 'य' व 'व' यात बाआखः (व्यञ्जनवर्ण) या धलखय् दुथ्याकातःगु दु । थमित अर्धस्वर कथं नं काः ।

१६.३ नेपालभासाय् 'ए' मान्वसः व 'ए' ज्यानान्वसः आपालं छ्यलाबुलाय् दुसां 'ए' आखःयात च्वज्याय् छ्यलेगु मयाः । नेपालभासाया च्वमिपिसं 'ए' यात थाय् स्वयाः 'य्' वा 'ये' च्वयेगु याना वयाच्वंगु दु ।

१६.४ 'य' न्वसःयात आपाःसिनं 'ए' कथं नं न्ववायेगु याःगु खनेदु । गथे, क्यने -केने, छ्यले - छेले, स्यने - सेने । थन 'य' छ्यःसां 'ए' छ्यःसां खँभाय् मपाःगुलिं थथे याःगु खनेदु । थमि खँभाय् हिलासु ज्यायेबल्य् 'य' हे जुइ 'ए' जुइ मखु । गथे, 'क्यने' या 'क्यँ' जुइ 'कै' जुइ मखु । 'छ्यले' या 'छ्य' जुइ, 'छे' जुइ मखु । 'स्यने' या 'स्यँ' जुइ, 'सै' जुइ मखु । उकिं 'य' यात 'ए' न्ववायेगु याये मज्यू । अथे हे 'य' या न्वसु ताहाः जुइबल्य् 'य' हे न्ववायेमाः । गथे, छः, ज्यः, त्यः ... । खस नेपालि भासय् 'य' यात 'य' ब्वंसां 'ए' ब्वंसां खँभाय् मपाः । गथे, जय (जए), भय (भए), काय (काए), राय (राए), विजय (बिजए) ...

१६.५ नेपालभासाय् 'व' न्वसः चीहाःन्वसः व थ्वया ताहाःन्वसः 'वः' खः । गुलिखय् नेपालभासाया च्वमिपिसं 'व' व 'वः' यात 'ओ' च्वयेगु यानाच्चंगु खनेदु । 'ओ' या न्वसः ताहाःन्वसः जूगु व थ्वया चीहाःन्वसः मदु । उकिं नं नेपालभासाया खँवलय् 'ओ' छ्यले मछिं ।
नेपालभासाय् 'व' या चीहाःन्वसः व ताहाःन्वसः थुकथं ज्यलाच्चंगु दु । गथे,

धलः न चीहाः न्वसः व ताहाः न्वसःया पाःगु

चीहाःन्वसः	ताहाःन्वसः
थ्व छु ?	थ्वः थ्वः मनूत वल ।
सफू ग्व ?	सफू ग्वःगू दु ?
हुंकन स्व ।	हुःकन भंगःया स्वः दु ।
जा क्वल ।	क्वः हाल ।

थुकथं खस नेपालि भासय् न्वसः चीहाः बा ताहाः जूसां खँभाय् मपाइगु जूगुलिं आपाःथें 'ओ' छ्यलेगु याः । गथे, ओखल, ओडार, ओभानो, कोसा, कोठा, घोडा, खोर, जोर, जोड ...

१६.६ नेपालभासाय् 'व' यात 'ब' यानाः गुबले हे ब्वने मज्यू । 'व' यात सदां 'व' कथं हे ब्वनेगु न्ववायेगु यायेमाः । खस नेपालि भासय् 'विज्ञान' यात 'बिज्ञान', 'विजय' यात 'बिजय', 'विद्या' यात 'बिद्या', 'वास्तव' यात 'बास्तव' यानाः ब्वनेगु याः ।

१६.७ नेपालभासाय् खँग्वःया लित्वसः मान्वसः (स्वरवर्ण) जूसा उगु न्वसःया न्त्यःनेया न्वसःनाप जानाः छसः यानाः ब्वनिइ बा न्ववाइ । खस नेपालि भासय् जूसा खँग्वःया ल्यूने वइगु मान्वसः पूर्वक न्ववाइ ।
गथे,

घल: ९ खँवलय् लिन्वस: मान्वस: जुइबलय्

नेपालभासाय्	खस नेपालिभासाय्
कइ - कै	भाइ - भाई
खइ - खै	लाइ - लाई
भउ - भौ	घाउ - घाऊ
पउ - पौ	आउ - आऊ
सँए - सँय्	आए
घाँए - घाँय्	गए
थाए - थाय्	राय - राए

१६.८ नेपालभासाय् खँवःया लिन्वस: बान्वस: (व्यञ्जनवर्ण) जुल
धाःसा उगु न्वस: पूवंक न्ववायेमा: बा ब्वनेमा: । खस नेपालि भासाय्
खँवःया ल्युने वइगु बान्वस:यात उगु न्वस:या न्ह्यःनेया न्वसलं
साला: बछि जक न्ववाइ । गथे,

घल: १० खँवलय् लिन्वस: बान्वस: जुइबलय्

नेपालभासाय्	खस नेपालिभासाय्
सल	पाल - पाल्
मत	रात - रात्
आम	राम - राम्
धाल	ताल - ताल्
थन	बन - बन्

१६.९ मिलाफुति (°)

नेपालभासाय् न्हासं थ्वइगु सःया चीहाःन्वस: क्यनेत मिलाफुति (°)
व ताहान्वस: क्यनेत सिन्हःफुति (°) छ्यलिइ । खस नेपालि भासाय्
न्हासंथ्वःसः आपा: छ्यलेम्वा: । अथेनं स नेपालि भासाय् नं न्हासंथ्वइगु चीहाःन्वस:
क्यनेत मिलाफुति हे छ्यलिइगु खः । अथे जूसां खस नेपालिभासाय् ‘आ,
ए, ओ’ या न्वस: ताहाःन्वस: जूगुलिं थुकिइ मिलाफुति (°) तलकि
धाःसा थुकिया न्वस: नं ताहाःन्वस: जुइ । गथे,

धलः ११ मिलाफुतिया न्वसः

नेपालभासा	खस नेपालिभासा	
चीहाःन्वसः	चीहाःन्वसः	ताहाःन्वसः
खँ कँ ।	अँ	माँ
सँ छयँ ।	इँ	कहाँ
लँ क्यँ ।	उँ	यहाँ
सुसिइ ताँ मदु	तँ	त्यहाँ
गुँइ धुँ दु ।		सेँठ
सिया भयाः ।		हौँठ
खाया खैय् ।		
छयँनय् त्वँचा दु ।		
त्याँय् त्याँय् सःतल ।		
ख्वाँयनं सः मताः ।		

१६.१० सिन्हःफुति (')

नेपालभासा व खस नेपालि भासय् सिन्हःफुति (') या न्वसः पाः । ने पालभासाय् सिन्हफुतिया न्वसः न्हासंथ्वइगु ताहाःन्वसः खः । ने पालभासाय् खँग्वःया लिन्वसः 'न' बा 'म' जूसा उगु न्वसः दुसुनाः ताहाः न्वसः पिदिनिइगु खः । अथे हे खँग्वःया न्त्यन्वसः न्हासंथ्वइगु न्वसः जुयाः लिन्वसः 'थ' न्वसः जूसा उगु न्वसः दुसुलाः न्हासंथ्वइगु ताहान्वसः पिदिनिइ । खस नेपालि भासय् धाःसा सिन्हःफुति (') या न्वसः 'अड', 'अन' बा 'अम' जुइ । थज्वःगु न्वसः धाःसा नेपालभासाय् मदु । गथे,

नेपालभासाय् (°) व (') या छयलां खँभाय् हे पाइ । खस नेपालि भासय् मिलाफुति (°) व सिन्हःफुति (') न्त्यागु छयःसां खँभाय् मपाइगु जूगुलिं थौकन्हय् मिलाफुति (°) या छयला म्त्व जुयाच्चंगु खनेदु । नेपालभासाय् मिलाफुति (°) व सिन्हःफुति (') या छ यलां खँभाय् हे पानाच्चंगु छुं दसु क्वय् न्त्यथने ।

धलः १२ सिन्हःफुतिया न्वसः

नेपालभासा		खस नेपालिभासा	
आखः	न्वसः	आखः	न्वसः
अं	अँः	अं	अड, अन, अम्
आं	आँः	आं	आड, आन्, आम्
इं	इँः	इं	इड, इन्, इम्
उं	उँः	उं	उड, उन्, उम्
एं	एँः	एं	एड, एन्, एम्
यं	यँः	ओं	ओड, ओन्, ओम्
यां	याँः		
युं	युँः		
वं	वँः		
वां	वाँः		

धलः १३ मिलाफुति व सिन्हःफुतिया न्वसः

मिलाफुतिया न्वसः	सिन्हःफुतिया न्वसः
छं खँ कँ । (छं खँ कनेगु ज्या या ।) थौकन्हय् कँ काः मदु । व खँ मसः । थ्व लँ ताहाः । वयात पँ ।	वं बाखं कं । (वं बाखं कनेगु ज्या याः ।) स्वाँनय् कं दु । वं छंत खं । वया लं बांलाः । वयाके पं दु ।

१७. नेपालभासा ब्वनेमसः धाइपिं व ब्वने थाकु ताइपिसं थुलि खँ थुइकल धाःसा इमित नेपालभासा ब्वने थाकुइ मखु ताया ।

- ० -

नेपालभासा गथे च्वयेगु

१. नेपालभासा व थ्वया पहः

- १.१ नेपालभासा खःकथं न्ववायेगु, न्ववाःकथं च्वयेगु व च्वःकथं ब्वनेगु भाय् खः ।
- १.२ नेपालभासा च्वये ब्वनेत छ्यलिइगु आखल्य् छगः आखःया न्वसः न्त्याबलें छगू हे जक जुइ । अथे हे छगू न्वसः जुइगु तःगः आखः नं दइ मखु ।
- १.३ नेपालभासाया मूखँग्वः मुकं ताहाः न्वसः मदुगु व चीहाः न्वसलं चाःगु भाय् खः ।
- १.४ नेपालभासाया थःगु पहः, छसःज्यना पहः (Monosyllabic language) कथं जक थुकिइ ताहाः न्वसः ब्वलंगु दु ।
- १.५ नेपालभासाया फुकं थें मूखँग्वः छगू न्वसल्य् ज्यनाच्चंगु व छगः बा निगः आखःया जुयाच्चंगु दु ।
- १.६ थुकिइ चिनाखँग्वः व ज्याना खँग्वः आपाः थें निगः स्वयाः अप्वः आखः दुगु खँग्वः जूगु खनेदु । (नेपालभासाया मूखँग्वलय् न्त्यातँसा लितँसा तनाः, निगः खँग्वः स्वानाः, यासुया हिलासु ज्यानाः, न्हूगु खँग्वः ज्यानाः व न्हून्हू कथं खँग्वःया हिलासु ज्यानाः अलय् न्हून्हूगु खँग्वः थःगु पहलं दुतिनाः निगः स्वयाः अप्वः आखः दुगु खँग्वः ब्वलनेगु व भाय् तब्ब्याः जुइगु ज्या जुयाच्चंगु दु ।) ।
- १.७ नेपालभासाया गुगुं नं खँग्वलय् लिन्वसः मान्वसः जूसा वया न्त्यन्वसः नाप जानाः छगू न्वसल्य् ज्यनिइ । अज्वःगु न्वसः न्त्याबलें ताहाः न्वसःयागु जुइ ।

- १.८ नेपालभासाया गुगुं नं खँग्वलय् लिन्वसः बान्वसः जूसा वया न्वसः न्त्याबले
पूर्वक न्ववायेमाः । गथे— प्वाल, वल, वन, भ्याल, लख ...
- १.९ नेपालभासाया मूखँग्वलय् लिन्वसः बान्वसः जूसां उगु थीथी बान्वसः अप्वः
यानाः मान्वसलय् हिलिइगु छगू पहः दु । उगु पहः कथं थीथी बान्वसः
दुसुलाः मान्वसलय् हिलिइगु व उगु न्वसः वया न्त्यन्वसः नाप जानाः
छगू न्वसलय् हिलिइ । छगू न्वसलय् ह्यूगु उगु न्वसः न्त्याबले ताहाः
न्वसः यागु जुइ । उकिं थ्व भाय् यात 'छसः ज्यना भाय्' (Monosyllabic
language) धाःगु खः ।
- १.१० नेपालभासाया ब्याक मान्वसलय् न्हासंथ्वःसः नं दुगु भाय् खः । थपिं न्हासं
थ्वइगु मान्वसः नं च्वय् न्त्यथनार्थे उगु मान्वसःया न्त्यन्वसः नाप जानाः
छगू न्वसलय् ज्यनिइ । उगु न्वसः न्हासंथ्वइगु ताहाः न्वसः जुइ ।
- १.१० नेपालभासाया थीथी खँग्वः न्हासं थ्वःसां न्हासं मथ्वःसां चीहाःन्वसः व
ताहाःन्वसलय् खँभाय् (अर्थ) हे पाइगु जूगुलिं थ्वयात 'न्वसलय् पाःसु
दुगु भाय्' (contrastive language) धाःगु खः ।

२. नेपालभासाया मान्वसः व माआखः

- २.१ नेपालभासाय् मूमान्वसः ज्यागू (५गू) दु । थपिं फुकं चीहाःन्वसःयागु
खः । थुकथं नेपालभासाय् ज्यागः (५गः) माआखः दुगु जुल । थुपिं थुकथं
जुल —

अ आ इ उ ए

- २.२ नेवाः न्वसलय् म्हुतु ग्वःलाकाः ताहाः न्वसः पिथने माःगु 'ओ' न्वसः
मदु । उकिं नेपालभासाया खँग्वलय् मुकं 'ओ' व 'ओ-ज्याना' आखः
छयलेम्बाः । नेपालभासाय् थ्व 'ओ' न्वसः निथी कथं छयलाबुलाय् दु ।
१. 'ओ' नाप 'अ' व 'आ' जनाः न्हूगु न्वसः कथं 'व' व 'वा' । गथे
ओ + अ = व, ओ + आ = वा जुयाः ।
२. मेगु भासं वःगु दुतिना खँग्वलय् गथे खः अथे छयलाः । गथे— आभेरकोत,
फोहोर, नोकर, जोकर, रेदियो ...
- मेगु भासं दुतिनिइगु खँग्वलय् न्वसः ताहाःसां थन छुं न्वसः दुसुलाच्वंगु
मदु धइगु क्यनेत थ्व आखः छयलिइगु खः ।

२.३ नेपालभासाया फुकं मान्सलय् न्हासंथ्वःसः नं दइगु जूगुलिं इमिगु माआखः
थुकथं जुल ।

‘अँ आँ ईँ उँ एँ’

२.४ नेपालभासाया मूमान्सःया न्हासंथ्वःसः मदुगुलिइ नं दुगुलिइ नं चीहाः,
ताहाः न्वसः दइगु जूगुलिं इमिगु मूमाआखःया धलः थुकथं दुगु जुल ।

धलः १ मूमान्सः

न्हासंमथ्वइगु	१	२	३	४	५
१. चीहाःन्वसः	अ	आ	इ	उ	ए
२. ताहाः न्वसः	अः	आः	ई	ऊ	एय्
न्हासंथ्वइगु					
३. चीहाःन्वसः	अँ	आँ	ईँ	उँ	एँ
४. ताहाःन्वसः	अं	आं	इं	उं	एं/ऐय्

३. चिनामान्सः व चिनामाआखः (Diphthongs and Vowel clusters)

३.१. नेपालभासाया निगू मान्सः नापं वलकि छगू चिना मान्सलय्
ज्यनिइ । इपिं चिना माआखःया धलः थुकथं दु ।

धलः २ चिना मान्सःया धलः

		१	२	३	४	५
		अ	आ	इ	उ	ए
१.	अ	अः	—	अइ/ऐ	अउ/औ	अए = अय्
२.	आ	आः	—	आइ	आउ	आए = आय्
३.	इ	—	—	इइ/ई	इउ/यु	इए = इइ
४.	उ	—	—	उइ	उउ/ऊ	उए = उइ
५.	ए	य	या	—	—	एए = एय्
६.	ओ	व	वा	—	—	—

३.२ निथीकथंया चिनामान्वसः

नेपालभासाय् निथीकथंया चिनामान्वसः दुगु जुल ।

गुगुं निगू मान्वसः नापं वलकि छगू न्वसलय् ज्यनिइगु । चिनामान्वसलय् निगुलिं मान्वसःया गुन खने दइगु चिनामान्वसः । गथे (अइ, अउ, अय्, आइ, आउ, आय्, इइ (ई), इउ (यु), उइ, उउ (ऊ), एय्) थमित 'चिनामान्वसः' (Diphthong vowel) कथं काइ ।

निगू मान्वसः ह्वना: छगू न्हूगू न्वसः ज्यनिइगु बिसकंया चिनामान्वसः । गथे, ओ + अ = व, ओ + आ = वा, ए + अ = य, य + आ = या । थमित बिसकंया मान्वसः वा छगू न्वसःगु चिनामान्वसः (Monophthong vowel वा semi-vowel) कथं काइ ।

३.३ न्हासं थ्वःगु चिनामान्वसः

धलः ३ न्हासंथ्वइगु चिनामान्वसःया धलः

		१	२	३	४	५
		अ	आ	इ	उ	ए
१.	अँ	अं	—	अँइ/ऐँ	अँउ/औँ	अँए = अँय्
२.	आँ	आं	—	आँइ	आँउ	आँए = आँय्
३.	ईँ	—	—	ईँइ/इँ	ईँउ/युँ	—
४.	उँ	—	—	उँइ	उँउ/उँ	—
५.	एँ	यँ	याँ	—	—	एँए = एँय्
६.	औँ	वँ	वाँ	—	—	—

३.४ बिसकंया मान्वसः वा छगू न्वसःगु चिना मान्वसलय् (Monophthongs) नं प्यथी कथं गुन दुगु जुल ।

धल: ४ छस: ज्यंगु चिनामान्वस:या धल:

न्हासंमध्वइगु न्वस:	१	२	३	४
१. चीहा:न्वस:	य	या	व	वा
२. ताहा:न्वस:	य:	या:	व:	वा:
न्हासंमध्वइगु न्वस:				
३. चीहा:न्वस:	यँ	याँ	वँ	वाँ
४. ताहा:न्वस:	यं	यां	वं	वां

३.५ थपिं बिसकंया मान्वस: मेगु थीथी मानवस: नाप जाना: न्हूगु चिनामान्वस: ज्यनिइ ।

धल: ५ बिसकंया चिनामान्वस:

		अ	इ	उ	ए
१.	य	य:	यइ	यउ	यए = यय्
२.	या	या:	याइ	याउ	याए = याय्
३.	व	व:	वइ	वउ	वए = वय्
४.	वा	वा:	वाइ	वाउ	वाए = वाय्

३.६. बिसकंया मान्वस: न्हासंमध्वइगु जूसा मेगु थीथी मान्वस: नाप जाना: ज्यनिइगु चिनामान्वस: क्वय् न्ह्यथना कथं जुइ । लिमान्वस: गुबले न्हासंमध्वइगु जुइमखु । खँग्वलय् लिमान्वस: न्हासंमध्वइगु व:सा उगु खँग्व: छगू न्वसलय् ज्यने फइमखु

धल: ६ बिसकंया न्हासंमध्वइगु चिनामान्वस:

		१ अ	२ इ	४ उ	५ ए
१.	यँ	यं	यँइ	यँउ	यँए = यँय्
२.	याँ	यां	याँइ	याँउ	याँए = याँय्
३.	वँ	वं	वँइ	वँउ	वँए = वँय्
४.	वाँ	वां	वाँइ	वाँउ	वाँए = वाँय्

३.७ 'य' व 'व' नेपालभासाय् मान्वसः जूगुलिं 'य, या, व, वा' यात माआखः कथं नालेमाः । उकिं थमित बाआखःयात थें मान्वन्वसः ज्याये मदु । छाय् धाःसा बाआखः भवलय् क् + अ = क, ख् + अ = ख जूथें य् + अ = य, व् + अ = व जूगु मखु । 'य' व 'व' मान्वसः जूगुलिं 'य' व 'व' आखः यात बागः यानाः छयले मज्यू वा थमित 'बागः' याये मज्यू । थपिं ए + अ = य, 'ओ + अ = व' जूगु खः । नेपालभासा च्वज्याय् 'ए' छयलाबुलाय् मदुगुलिं 'ए' छयलेमाः थाय् 'ए' या पलसा 'य्' वा 'ये' छयलेगु याना वयाच्वंगु खः । उकिं भ्नीसं ए = य् = ये (Allograph) कथं कायेमाः । अथेहे इ + उ = यु कथं कायेमाः ।

अथे जूगुलिं 'ए + इ = यि, ए + उ = यु' व 'ओ + इ = वि, ओ + उ = वु, ओ + ए = वे जुइ मखु । ध्वया 'एइ, एउ, एय्' व 'ओइ, ओउ, ओय्' जक जुइगु खः । उकिं 'यि, यो, यौ' व 'वि, वु, वे, वै, वो, वौ' मछयलेगु यायेमाः ।

४. नेपालभासाय् बान्वसः व बाआखः

४.१ भ्नीगु म्हुतुइ मेयात थीथी थासय् तयाः कथुया सःपालं पिदनिइगु न्वसः म्हुतुया थीथी न्वब्वय् जुनाः पिदनिइगु न्वसः हे बान्वसः खः ।

४.२ थपिं न्वसः म्हुसिइकेत छयलिइगु आखः 'बाआख' जुल । नेपालभासाय् बाआखः सुइगः (३० गः) दु । थपिं फुक्कं पूवंगु न्वसः दुगु 'सःग्वः' नं खः अथे धयागु थपिं फुक्कं बाआखलय् 'अ' मान्वसः न्हापा हे दुथ्याःगु जुल ।

४.३ थुकथं नेपालभासाय् बाआखः खुद्या खुद्या ज्यातँय् (६×५) ज्यनाच्वंगु जुल ।

धलः ७ बाआखःया धलः

		न्त्यब्ब		दथुब्ब		न्हसपाःब्बः	
तँ ↓	खा →	१	२	३	४	५	६
१	कथुप्वाः	क	ख	ग	घ	ङ	ङ्ह
२	थक्व	च	छ	ज	झ	ञ	ञ्ह
३	वाम्बः	त	थ	द	ध	न	न्ह
४	म्हुतुसि	प	फ	ब	भ	म	म्ह
५	थक्व	र	न्ह	ल	ल्ह	लिब्ब	
	कथु					स	ह

४.४ धमलिपि (ब्राम्हिलिपि) या आखः धलकय् नेपालभासायात माःगु खुगूगु न्वसः न्त्यब्बइगु आखः मदु। उकिं उपिं न्वसः न्त्यब्बंयेत न्हूगु खुगः आखः दयेकाः दुध्याकातःगु दु। उपिं आखः ‘ङह, ञ्ह, न्ह, म्ह, ञ्ह, ल्ह’ खः। स्वयेबलय् उपिं चिनाआखः थें च्वंसां थःगु हे न्वचु (Phoneme) दुगु मूबाआखः खः।

४.५ धमलिपिया आखः धलकय् दुध्याःगु न्हय्गः आखः ‘ट, ठ, ड, ढ, ण, श, ष’ या न्वसः नेपालभासाय् मदु। उकिं थपिं आखः नेपालभासाया खँबलय् छयलेम्बाः। थुमित ‘त, थ, द, ध, न, स, ख’ या ज्वःलाःगु आखः (Allograph) कथं जक कायेगु याः ‘क्ष, त्र, ज्ञ’ यात ‘बाआखःया धलकय् तयातःगु जूसां मूबाआखः मजुसे’ (क+ष=क्ष, त+र=त्र, ज + ञ = ज्ञ कथं) चिनाआखः जक खः।

४.६ बाआखःया धलकय् दुध्याःगु निगः आखः ‘ङ’ व ‘ङ्ह’ यें, यल भासय् आपाः छयलाबुलाय् मदुसां ख्वप भासाय् आपालं ज्यलाच्चंगु दु।

४.७ अथे हे बाआखःया धलकय् दुध्याःगु मेगु निगः आखः ‘ज’ व ‘ञ्ह’ या न्वसः नेवाः न्वसलय् आपालं ज्यलाच्चंगु दःसां थुपिं आखःयात आःतक मखुकथं व्वनेगु याना वयाच्चंगुलिं च्वज्याय् थुमिगु छयलाबुला मदयाच्चंगु खः। संस्कृत भासाय् थ्व ‘ज’ आखलं दनिइगु छुं नं खँग्वः मदुगु व थ्वया बागः आखः जक छयलाबुलाय् दु। उकिं संस्कृत भाय्या किचलं दायाः थ्व ‘ज’ आखः छयलाबुलाय्

मदइच्चगु खः । पालिभासाय् धाःसा थ्व 'ज' न्वसः आपालं छ्यलाबुलाय् दु । नेपालभासाय् नं थ्व आखःया छ्यलाबुला खः कथं न्वनेगु व न्वसः कथं माःथाय् छ्यलेगु यायेमाः । नेवाः न्वसः धुकूया न्वसः ल्यंकातयेत नं 'ज' व 'ञ्ह' आखःयात खः कथं छ्यलाबुलाय् हयेमाःगु खनेदु ।

गथे

धलः ८

'निनि' या थासय् 'निनि'
'न्या' या थासय् 'न्या'
'न्यताः' या थासय् 'न्यताः'
'न्त्यः' या थासय् 'न्त्यः'
'न्त्यःने' या थासय् 'न्त्यःने'

४.८ थुकथं हे पुलांगु नेपालभासाय् 'र' व 'रु' या छ्यलाबुला आपाः खनेमदु । नेपालभासा खँग्वः धकुतिइ नं 'र' व 'रु' न्वसलं दंगु नेवाः खँग्वः छगः हे खने मदु । 'दुतिना' खँग्वलय् नं 'रानी'यात 'लानी', 'रुमाल'यात 'लुमाल', 'राजकुल'यात 'लाय्कू' यानाः छ्यलावयाच्चंगु दु । अथेहे लिपा वयाः आपालं खँग्वलय् 'ध' यात 'रु' व 'रु' यात 'र' य् हिलावःगु खनेदु । गथे,

धलः ९ 'रु' या न्वसः 'र' ह्युगु

मधि	—	मरुहि	—	मरि
बधः	—	बरुहः	—	बरः
बुधा	—	बुरुहा	—	बुरा
जिधाः	—	जिह्राः	—	जिराः

४.९ नेपालभासाय् 'र' न्वसः अपालं न्वसःहे स्वथी कथं दुहांवःगु खनेदु । छथी, दुतिना खँग्वलय् व निथी, तासु (अनुकरनात्मक) खँग्वलय् स्वथी, न्वसः हिलाः । गथे —

१. दुतिना खँव:- रथ, रुमाल रिंग, रितिथिति, राग, रास, रंग, रक्षा, रकेत, करुवा, रेदियो,
२. तासु खँव:- सरर, सिरिरि, सुरु, हरर, हुरु, ह्वारर, धाराधुर, तारातुरु,
३. न्वसः हिला:-
पतासि-परसि-पर्सि, गथखेसे-गरखेसे, बदाम-बदां-बरां, छधा:-छरा:

५. बान्वसल्य मान्वसः ज्यायेगु

- ५.१ नेपालभासा च्वज्याय् थीथी न्वसः ज्यायेत थीथी मान्वसः चिं छयलेगु याना वयाच्चंगु दु । बाआखल्य 'अ' मान्वसः न्हापा हे दयाच्चंगुलिं (क् + अ = क...) य् 'अ' या न्वसः चिं मदु । मेगु मान्वसःया थःथःगु चिं दु । गथे, ा (आचिं), ि (इचिं), ी (ई चिं) , उ (उचिं), ू (ऊचिं), े (ए चिं), ै (ऐ चिं) , ो (ओचिं), ौ (औचिं)

थीथी न्वसः ज्यायेत बाआखल्य थपिं मान्वसःचिं छयलिइ

धलः १० थीथी न्वसःया आखः

बाआखः	+	मान्वसःचिं	=	थीथी न्वसःगु आखः
क	+	-	=	क
ख	+	ा (आचिं)	=	खा
ग	+	ि (इचिं)	=	गि
घ	+	ु (उचिं)	=	धु
च	+	े (एचिं)	=	चे
ज	+	ै (ऐचिं)	=	जै
छ	+	ो (ओचिं)	=	छो
झ	+	ौ (औचिं)	=	झौ

५.२ थुकथं हे मान्वसः चिं मदुगुलिं चिनामाआखः नाप हे बाआखः
चिंकाः थीथी न्वसःगु आखः ज्यायेगु याना च्वंगु दु । गथे -

घलः ११ (क) थीथी न्वसःया आखः

बाआखः	+	मान्वसःचिं	=	थीथी न्वसःगु आखः
त	+	य	=	त्य
थ	+	या	=	थ्या
द	+	व	=	द्व
ध	+	वा	=	ध्वा

५.३. 'ऐ' व 'औ' यात त्वःताः थपिं थीथी न्वसःया आखः फुकं 'चीहाःन्वसःगु आखः' खः । नेपालभासाया 'छसःज्यना पहः' कथं थपिं फुकं आखल्य ताहाःन्वसः ब्वलंगु दु । उकिं उगु चीहाःन्वसःगु आखल्य ताहाःन्वसःचिं बा लिफुति (:) तयाः ताहाःन्वसःगु आखः ज्यायेगु याइ । गथे -

घलः १२ थीथी चीहाः न्वसःगु आखः + ताहाः न्वसःचिं = ताहाः न्वसःगु आखः

चीहाः न्वसःगु आखः	+	ताहाः न्वसःचिं	=	ताहाः न्वसःगु आखः
न	+	(:)	=	नः
पा	+	(:)	=	पाः
फि	+	(:)	=	(फिः) फी
बु	+	(:)	=	(बुः) बू
मे	+	(:)	=	(मेः) मेय्
ल्य	+	(:)	=	ल्यः
न्ह्या	+	(:)	=	न्ह्याः
स्व	+	(:)	=	स्वः
ह्वा	+	(:)	=	ह्वाः

५.४ थुकथं हे थीथी चीहाःन्वसःगु आखः नाप थीथी माआखः चिनाः

थीथी चिना न्वसः ज्यनिइ

धलः १३ चिनाआखः धलः

अ	आ	इ	उ	ए	
				ये	य्
क	कः	कइ	कउ	कये	कय्
का	काः	काइ	काउ	काये	काय्
कि	—	किइ	किउ	किये	किइ
कु	—	कुइ	कुउ	कुये	कुइ
के	—	—	—	—	केय्
ग्य	ग्यः	ग्यइ	—	ग्यये	ग्यय्
ग्या	ग्याः	ग्याइ	—	ग्याये	ग्याय्
क्व	क्वः	क्वइ	—	क्वये	क्वय्
क्वा	क्वाः	क्वाइ	—	क्वाये	क्वाय्

६. बान्वसलय् न्हासंथ्वःसः ज्यायेगु

६.१ नेपालभासाया फुकं मान्वसलय् न्हासंथ्वःसः नं दुथ्यागु खँ च्वय् न्त्यथने धुंगु दु । उकिं बान्वसलय् न्हासंथ्वःसः ज्यायेगु धयागु बान्वसलय् न्हासंथ्वइगु मान्वसः बा न्हासंथ्वइगु चिनामान्वसः तयेगु खः । थ्व च्वज्याय् छ्यलेत बाआखलय् न्हासंथ्वइगु मान्वसःचिं बा न्हासंथ्वइगु चिनामान्वसः चिं तयेगु खः । थुपिं फुकं चीहाःन्वसःगु आखः जुइ । गथे -

धलः १४ न्हासं थ्वइगु चिनाआखःया धलः

बाआखः	+	न्हासंथ्वइगु मान्वसःचिं व चिनामान्वसःचि	=	न्हासं थ्वइगु थीथी न्वसःगु आखः
क	+	क (मिलाफुति)	=	कँ
त	+	त (औँचिं)	=	ताँ
स	+	स (इँचिं)	=	सिँ
ख	+	ख (उँचिं)	=	खुँ
छ	+	छ (ऐँचिं)	=	छैँ
ल	+	ल (ऐँचिं)	=	लैँ
थ	+	थ (औँचिं)	=	थौँ
द	+	यँ (यँचिं)	=	यँ
ज	+	याँ (याँचिं)	=	ज्याँ
ज	+	वँ (वँचिं)	=	ज्वँ
ब	+	वाँ (वाँचिं)	=	ब्वाँ

६.२ 'ऐ' व 'औ' ताहाःन्वसःगु आखः जूगुलिं 'ऐँ चिं' व 'औँ चिं' दुगु आखः ताहाः न्वसःगु जुल । थ्व त्वःताः मेगु फुकं आखः चीहाः न्वसःगु आखः खः । नेपालभासाया 'छसःज्यना पहः' कथं थपिं फुकं आखलय् ताहाः न्वसःचिं तयाः न्हासंथ्वइगु ताहाः न्वसःगु आखः ज्यायेछिगु जुल । गथे -

घल: १५ : न्हासंथ्वइगु थीथी ताहा: न्वस:गु आख:

न्हासं थ्वइगु बाआख	+	ताहा:न्वस: चिं	=	ताहाक: न्हासं थ्वइगु थीथी न्वस:गु आख:
कँ	+	(:)	=	कँ: = कं
ताँ	+	(:)	=	ताँ: = तां
सिँ	+	(:)	=	सिँ: = सिं
खुँ	+	(:)	=	खुँ: = खुं
छेँ	+	(:)	=	छेँ: = छेय्
द्यँ	+	(:)	=	द्यँ: = द्यं
ज्याँ	+	(:)	=	ज्याँ: = ज्यां
ज्वँ	+	(:)	=	ज्वँ: = ज्वं
ब्वाँ	+	(:)	=	ब्वाँ: = ब्वां

६.३ थुकथं हे न्हासंथ्वइगु चीहा:न्वस:गु आख:नाप थीथी मान्वस: चिना: न्हासंथ्वइगु चिनामान्वस: ज्याये ज्यू । अथे धयागु न्हासंथ्वइगु आखलय् थीथी माआख: चिना: ताहाक:गु न्हासंथ्वइगु चिना आख: दयेके ज्यूगु जुल ।

घल: १६ न्हासं थ्वइगु चिनाआख:या घल:

	अ	इ	उ	(ए) = य्
कँ	कं	कँइ	कँउ	(कँए) = कँय्
काँ	कां	काँइ	काँउ	(काँए) = काँय्
किँ	किं	किँइ	किँउ	—
कुँ	कुं	कुँइ	कुँउ	—
केँ	कें	—	—	केँए = केँय्
क्यँ	क्यं	क्यँइ	क्यँउ	क्यँए = क्यँय्
क्याँ	क्यां	क्याँइ	क्याँउ	क्याँए = क्याँय्
क्वँ	क्वं	क्वँइ	क्वँउ	क्वँए = क्वँय्
क्वाँ	क्वां	क्वाँइ	क्वाँउ	क्वाँए = क्वाँय्

७. नेपालभासाय 'ए' 'य' 'व' ये या छ्यलाबुला

७.१ नेपालभासा न्वसलय् 'ए' न्वसः आपालं ज्यलाच्वंगु दुसां च्वज्याय् 'ए' आखः छ्यला वयाच्वंगु खनेमदु । थ्व 'ए' आखः छ्यलेमाःथाय् 'य' वा 'ये' आखः छ्यलेगु याना वयाच्वंगु खनेदु । 'ए' ज्याना खँग्वलय् धाःसा ' ' (एचिं) हे छ्यलावयाच्वंगु दु । गथे, हाले, सःते, कने, काके, हे, केँ, छेँ, सैँ ।

७.२ नेपालभासाय् 'ए' व 'य' या न्वसः पाः । अथे नं गुबलेँ गुबलेँ 'ए' व 'य' यात दापा यानाः छ्यलाच्वंगु खनेदु । मूकथं यासु खँग्वलय् । न्ह्यआखः 'ए ज्याना' मजुसे 'य ज्याना जुयेमाः । गथे,—

धलः १७ 'ए' व 'य' न्वसःया पाःसु

‘केने’ मजुसे ‘क्यने’ जुयेमाः ।

‘गेये’ मजुसे ‘ग्यये’ जुयेमाः ।

‘छेले’ मजुसे ‘छ्यले’ जुयेमाः ।

छाय् धाःसा थमि उजं खँग्वः न्ह्याबलेँ ‘क्यँ’, ‘ग्य’, ‘छ्य’ जुइ ।
‘केँ’, ‘गे’, ‘छे’ जुइमखु ।

गथे, ‘ल्हाः क्यँ’, ‘ध्यबा ग्य’, ‘ज्याय् छ्य’ ।

७.३ नेपालभासाय् 'एअ' या 'य' व 'एअ' या 'या' जुयाः 'य' व 'या' चिनान्वसः ज्यनाच्वंगु जुल । अलय् 'य् + अ = य' जुइगु जूगुलिं 'ए + अ = य् + अ = य' जुइगु जुल । अथे जूगुलिं 'ए' व 'य' छगू हे जुइगु जुल । अथेहे न्वसःया ल्याखं 'ए' व 'ये' नं छगू हे जुल । उकिं 'ए, य् व ये' धाःगु नं छगू हे जुल । अलय् नेपालभासा च्वज्याय् 'ए' आखःया छ्यलाबुला मदुगुलिं 'ए' न्वसःया थासय् 'यासु' जूसा 'ये' व मेथाय् 'य्' छ्यलावयाच्वंगु खः ।

नेपालभासाया मूयासु निगः आखःयागु जुइगु व उकिया लिन्वसः
 'ए' ज्यना जुइगु जूगुलिं 'यासु खँग्वः' म्हसिइकेत यासु खँग्वः 'ए
 ज्यना' जूसा 'ये' च्वयेगु यानावयाच्चंगु खः ।' गथे, कने, हाले,
 म्हिते, ज्वजलपे, लाके, थें काये, बिये, नये, लुये कथं
 च्वयेगु यानावःगु जुल । उकिं 'ये' च्वयेगु याःसां थ्वया न्वसः 'ए'
 वा 'य्' हे जक जुल । थ्वयात ताहाः न्वसः यानाः ब्वने म्वाः ।
 थुकथं नेपालभासा च्वज्याय् 'य्' व 'ये' धयागु 'ए' या किपाः
 आखः (Glips) कथं जक नालेमाः ।

उकिं 'ए = य् = ये' खः ।

८. नेपालभासा च्वज्याय् 'ये' व 'यो' या छ्यला

८.१ नेपालभासा च्वज्याय् 'यु' व 'यो' या छ्यलाबुला आपालं जुयाच्चंगु
 खने दु । नेपालभासाय् 'ऐ' (अइ) व 'औ' (अउ) थें 'यु' (इउ) यात
 चिनामान्वसः कथं छ्यला वयाच्चंगु दु । मूकथं गुगुं 'यासु
 खँग्वः'या न्ह्यन्वसः 'इ-ज्यना' जूसा उगु यासुया 'उजं ज्यना'
 खँग्वलय् लिन्वसः 'उ' न्वसलय् हिलिइ । अलय् उगु 'उ' न्वसः
 न्ह्यन्वसः नाप जानाः 'यु' न्वसलय् ज्यनिइ । गथे - 'इये' या
 'इउ = यु', 'थिये या थिउ = थ्यु' थुकथं हे थ्व 'उजं-ज्यना खँग्वः'
 व 'पहः ज्यना खँग्वलय्' हिलासु दंसा उगु खँग्वलय् 'व' वइ ।
 नेपालभासाया छसः ज्यना भाय् पहः (Monosyllabic Nature)
 कथं उगु 'व' न्वसःनाप ज्यनाः ताहाः न्वसः ज्यनिइ गथे -

धलः १८

मूयासु	उजं ज्यना खँग्व	पहः ज्यना खँग्वः
बिये	बिउ- ब्यु	ब्युव-ब्युअ-ब्यू
हिले	हिउ-ह्यु	ह्युव-ह्युअ-ह्यू
चिँने	चिँउ-च्युँ	च्युँव-च्युँअ-च्युँ
तिके	तिउ-त्यु	त्युव-त्युअ-त्यू

८.२ नेपालभासाय् 'य' न्वसः मान्वसलय् दुथ्याःगु जूगुलिं थ्वयात 'बाआखः' कथं कयाः मान्वसः ज्यायेगु ज्या यायेमज्यू धयागु नं थ्व च्वसुया धापू खः ।

नेपालभासाय् 'एअ' या 'य', 'एआ' या 'या' व 'इउ' या 'यु' जुयाः ज्यनाच्चंगु खँ च्वय् न्त्यथने धुंगु जुल । थुकथं हे 'य्' 'ये' या छ्यला 'ए' या 'किपाआखः' (Glips) कथं जक छ्यलावयाच्चंगु खः ।

नेपालभासा च्वज्याय् 'यि' या छ्यलाबुला मदु । 'यि' या न्वसः व 'इ' या न्वसः छगू हे जूगु व 'इ' या छ्यलाबुला जक दुगु जुल । 'यो' या छ्यलाबुला धाःसा आपालं जुयाच्चंगु दु । थ्व 'यो' धाःसा 'यः' या थासय् छ्यला वयाच्चंगु खः । 'यये' यासुया हिलासु कथं 'यव' जुइगु व 'यव' या 'यअ' जुयाः 'यः' जुइगु नेपालभासाया छसः ज्यना पहः खः । उकिं

धलः १९

'यव'	-	'यअ'	-	'यः' जुइ ।	-	'यो' मखु ।
'छ्यल'	-	'छ्यअ'	-	'छ्यः' जुइ ।	-	'छ्यो' मखु ।
'च्यल'	-	'च्यअ'	-	'च्यः' जुइ ।	-	'च्यो' मखु ।
'बव'	-	'बअ'	-	'बः' जुइ ।	-	'बो' मखु ।
'छ्यन'	-	'छ्यँअ'	-	'छ्यँ' जुइ ।	-	'छ्यँ' मखु ।

८.३ दुतिना खँग्वलय् जक 'यो' या छलाबुलाय् छ्यलेमाः । गथे, 'रेदियो', 'योजना', 'योग'...

९. नेपालभासाय् 'बागः आखः' या छ्यला

द्वःछि दँ न्त्यवं निसं नेपालभासा नेपाललिपिं च्वयेगु याना वयाच्चंगु खः । नेपाल लिपिइ बागः आखः धयागु मदु । नेपालभासाय् बाआखःयात कुचा थलाः बागः आखः बा उकिया कँन्वसः जक न्ववायेगु पहः नं मदु । मेमेगु थीथी भासाय् थथे बागः न्वसः बा कँन्वसः न्ववायेगु पहः दु । उगु हे पहःया किचलं दायाः ने पालभासाय् नं बागः आखः छ्यलेगु पहः खने दयावःगु खः । उकिं नेपालभासाया थःगु पहः कथं 'बागः आखः' छ्यलेगु फयां फतले म्ह्व यायेगु यायेमाः ।

नेपालभासा च्वज्याय् थीथी कथं 'बागः आखः' छ्यला वयाच्चंगु दु ।

९.१ 'य' 'या' व 'व' 'वा' नाप चिना: छयलेगु

नेपालभासाय् 'य, या, व वा' चिनामान्वस: जूगु व उकिया चिनामान्वस: चि 'ऐ' या ' ' (ऐ चि) व ' औ ' या ' ' (औ चि) दुथें छुचिं मदु । अथे जूगुलिं 'य, या, व, वा' न्वस: ज्यायेत बाआख: नाप 'य', 'व' चिना: च्वयेगु यानाव:गु ख: । थंथे न्वस: चिनेबलय् देवनागरि लिपिया पह: कथं बाआख:यात बाग: याना: चिनाआख: ज्याना वयाच्चंगु ख: । गथे, क्य, ख्या, ग्व, ग्वा

नेपालभासाय् थमित 'मान्वस: ज्याना' कथं कायेमा: । बाग: आख: चिनात:गु चिनाआख: कथं मखु ।

९.२ नेपालभासाय् बिसकं न्वचु (Phoneme) कथं दयाच्चंगु खुग: बाआख: 'इह, ज्ह, न्ह, म्ह, र्ह, ल्ह' यात चिना आख: कथं मनासै बाआख: धलकय् दुथ्याका: मुकं छग: छग: आख: कथं कायेमा: । गथे, क (ka), ख (kha), ग (ga), घ (gha) थें ड (nga), इह (ngha), ज (nja), ज्ह (njha), न (na), न्ह (nha), म (ma), म्ह (mha), र (ra), र्ह (rha), ल (la), ल्ह (lha) कथं न्वआख: ज्यानाच्चंगु दु । 'ख' व 'घ' ... च्वयेबलय् रोमन लिपिइ बिसकं न्वआख: मदया: 'h' चिना: च्वयेमा:थें 'धम लिपि' बा ब्राह्मिलिपिया परम्पराय् 'इह, ज्ह, न्ह, म्ह, र्ह, ल्ह' बिसकं न्वआखं कथं बाआख: धलकय् मदुगु व नेपालभासायात मदयेक मगा:गुलिं 'ह' चिना: दयेकात:गु बिसकंया न्वआख: कथं 'बाआख:'या धलकय् दुथ्याका: कायेमा: । चिना आख: कथं मखु ।

९.३ नेपालभासाया थीथी खँवल्य मेमेगु भाय्या किचलं दाया: थीथी बाग: आख: छयलेगु पह: ब्वलंगु दु । थज्व:गु पह:यात च्वज्याय् फयांफतले म्त्व याना: भाय्या पह:यात न्ह्य:ने ला:कथं मस्यंकेत व नेपालभासाया थ:गु पह: ल्यंका तयेगु कुत: जुइमा: । थथे बाग: आख: ब्वलंगु छुं छुं दसु क्वय् न्ह्यव्वयेगु कुत: याये ।

१. न्हासंथ्वःसः 'बागः आख'लय् हिलावंगु-

धलः २०

मुखँग्वः	बागः आखः ब्वलंगु
भित्तुना	भित्तुना
लुमत्ति	लुमत्ति
मत्तुना	मत्तुना
धंप	धम्प
ग्वंप	ग्वम्प

२. तिबः बिइगु खँग्वलय् 'बागः आखः' देतानावःगु

धलः २१

मुखँग्वः	बागः आखः देतानावःगु
फुक / फुकं	फुक्क
दक्व / दक्वं	दक्क्व
लिक / लिकं	लिक्क
माक्व / माक्वं	माक्क्व

३. तासु (अनुकरनात्मक) खँग्वलय् बागः आखः ब्वलंगु

धलः २२

मुखँग्वः	बागः आखः ब्वलंगु
सरर	सर्र
सिरर / सिररि	सिर्र
सुरर / सुरू	सुर्र
हुरर / हुरू	हुर्र
ह्वारर	ह्वार्र
तुलल / तुलुलु	तुल्ल
फिसिसि	फिस्स
फिसिक	फिसिक्क

४. त, थ, द ... न्वसः 'बागः र' न्वसलय् ब्वलंगु

धलः २३

मुखँगवः	'र' न्वसलय् ट्यूगु	बागः 'र' ब्वलंगु
पतासि	परसि	पर्सि
कतपिं	करपिं	कर्पिं
छत्रका	छरका	छर्का
गथखेसे	गरखेसे	गर्खेसे
भदाय्	भराय्	भराय्
कृतके	कुरके	कुर्के

५. तब्यागु, ताहागु व न्हासंथ्वइगु न्वसः हिलाः चिब्या, चीहाः व न्हासंमथ्वःगु सलय् हिलिइगु व 'बागः च' ब्वलंगु-

धलः २४

मुखँगवः	बागः 'च' ब्वलंगु
ला छि	लछि - लचिछि
बा छि	बछि - बचिछि
चा छि	चछि - चचिछि
सः छि	सछि - सचिछि
गाः छि	गाछि - गाचिछि
माः छि	माछि - माचिछि
फँ छि	फछि - फचिछि
दँ छि	दछि - दचिछि
न्हिन छि	न्हिछि - न्हिचिछि
तुँथि	तुन्थि

१०. ताहाः न्वसःचिं छ्यलेगु

- १०.१. नेपालभासाया गुगुं खँवः नांगवः (Noun) जुयाः उगु नांगवःया लिव्वसः बान्वसः जूसा उगु बान्वसः दुसुलाः ताहाःन्वसः पिदनिइगु जूगुलिं उगु थासय् ताहान्वसःचिं (दीर्घचिं) तयेगु यायेमाः । गथे— ‘भ्याल’ या ‘भ्याः’, ‘लख’ या लः ...
- १०.२. खँवः यासु (Verb) जुयाः यासुया हिलासु (रुपावलि) ज्यायेबलय् अन छुं न्वसः दुसुलिइगु मजुसे छगू मान्वसलं मेगु मान्वसलय् हिलिइगु जूगुलिं अन माआखः च्वयाः ताहान्वसः यानाः न्ववायेगु यायेमाः । गथे— ‘काये’ या ‘काइ’ थें ‘हाले’ या हालिइ, ‘कने’ या ‘कनिइ’, ‘गये’ या ‘गइ’, ‘ब्बये’ या ‘ब्बइ’ च्वयेगु यायेमाः । ‘हाली’, ‘कनी’, ‘गै’, ‘ब्बै’ मच्चःसा ‘नांगवः’ व ‘यासु’ सिइके अःपुइ ।
- १०.३. अथे हे ज्यासु (Case/कारक)या हिलासु ज्यायेबलय् लिताँसा (न) व ‘य्’ (स) वइगु जूगुलिं अन ‘ ’ व ‘य्’ छ्यलेगु यायेमाः । गथे ‘भ्याः’ या भ्यालं, भ्यालय् ‘लः’ या ‘लखं’, ‘लखय्’ ... च्वयेगु यायेमाः । ‘भ्याःनं’, भ्याले, लःनं, लखे ... च्वयेगु मखु ।
- १०.४. **नेपालभासाया यासुया हिलासुइ जुयाच्चंगु खँ क्यनेत बा नकतिनि जूगु खँ न्त्यथनेत,**

यानाच्चन बा यानाच्चना (यायेगु ज्या न्त्यानाच्चंगु)
कयाच्चन बा कयाच्चना (कायेगु ज्या जुयाच्चंगु)
हालाच्चन बा हालाच्चना (हालेगु ज्या जुयाच्चंगु)
वं मे हालायन (मे हालेगु ज्या जुयाच्चन)
जिं ध्यबा कयाबिया (कायेगु ज्या याना)
वं बाखं कनावन (बाखं कनेगु ज्या न्त्याकाच्चन),
च्चयेगु ज्या यायेमाः ।

जुइ धुंकूगु वा पूवने धुंकूगु खँ स्यनेत,

याना वल बा: याना: वया (यानाव, याये धुंका: वयेगु)

कया: वन बा: कया: वना (कयाव, काये धुंका: वनेगु)

हाला: वल बा हाला: वया (हालाव, हाले धुंका: वयेगु)

व ज्या याना: छँय् वन । (ज्या यांनाव (याये धुंका:) वन ।)

व खापा चायेका: पिहां वन । (खापा चायेकाव (चायेके धुंका:)

वन ।)

व मे हाला: ध्यबा कमे यात । (मे हालाव (हालेगु ज्या याना:))

जि बैकय् ध्यबा कया: वया । (ध्यबा कयाव (कायेगु ज्या) याये

धुंका: वया ।)

थुकथं 'याना:, कया:, हाला:, चायेका:' स लिफुति तयेगु यायेमा: ।

लिफुति तयेमा:थाय् मतयेगु व तये म्वा:थाय् तयेगु ज्याँ खँभाय्

पायेफु ।

११. लिखँ

नेपालभासां च्वयेत च्वय् न्ह्यथनागु खँय् बांलाक ध्यान तल धा:सा

नेपालभासाया थ:गु पह: कथं च्वयेगु पाय्छि जुइ ताया । थुकिं नेपालभासा

सयेकेत बा स्यनेत नं अ:पुइगु ताया ।

— ० —

सफू : नेपालभासा गथे ब्वनेगु, नेपालभासा गथे च्वयेगु
 च्वमि : विष्णु चित्रकार
 बृन्हि : ने.सं.१०७० थिलाश्वः यःमरि पुन्हि
 (वि.सं.२००६ मंसिर २० / सन १९४९ दिसेम्बर ५)
 थाय्बाय् : दलू आवास, यँ, मनपा १५
 फोनल्याः : ४२८९९१८, मोबाइल ल्याः : ९८४११६९१३०
 इमेल : bishnuchitrakar@hotmail.com
 chitrakarbishnu@gmail.com



विष्णु चित्रकार

पिदंगु सफू

- : नेपालभासाया ख्वाः व पहःया खँय् छुं बिचाः (ने.सं.१११०)
- : नेपालभासा कसरी पढ्ने (ने.सं.१११०)
- : नेपालभासा (ग्वःआखः सफू न्हापांगु) (ने.सं.१११२)
- : नेपालभासा (ग्वःआखः सफू निगूगु) (ने.सं.१११२)
- : तिरतन बंदना (पालि-नेपालभासा भाय्हिला) (न्हापांगु पिथना, ने.सं.११२७)
- : तिरतन बंदना (पालि-नेपालभासा भाय्हिला) (निक्वःगु पिथना : ने.सं.११३७)
- : नेपाललिपि व नेपालभासा (ने.सं.११३१)
- : Nepalbhasa a monosyllabic language (ने.सं.११३४)
- : नेपालभासा छसःज्यना भाय् (ने.सं.११३७)
- : नेपालभासा गथे ब्वनेगु, गथे च्वयेगु (ने.सं.११३७)

पिदंगु च्वसुः थीथी पौस चिनाखँ, समालोचना, च्वसु व भाय्लचंया खँय् थीथी च्वसु

संपादन

- : नेपालभाषा पत्रिका (न्हिपौ) (निर्दंतक समाचार संपादक)
- : भ्नी (लयपौ)
- : जः ७ (दँपौ – त्रिचन्द्र कलेज नेपालभासा साहित्य पाला)
- : थीथी लुमन्ति पौ, पत्रपत्रिका, सफू

ब्वति

- : जगतसुन्दर ब्वनेकुथि (नेपालभासां ब्वंकिङ्गु ब्वनेकुथि) (संस्थापक)
- : ने.सं.१०८४ (वि.सं.२०२० साल) निसं नेपालभासा आन्दोलनय् ब्वति व च्वज्या
- : ने.सं.१०८६ (वि.सं.२०२२ साल) या नेपालभासा आन्दोलनय् न्ह्यलुवाः ज्याकःमि
- : थौतक नेपालभासा व नेवाः आन्दोलनय् ब्वति ।

